

QUÆSTIO MEDICA.

Cardinalitiis disputationibus manè discutienda in Scholis Medicorum, die Jovis undecimâ Martii.

M. NICOLAO RICHARD, Doctore Medico, Præsede.

An ad retardandam Senectutem Hilaritas?

VITA humana quibusdam brevis, aliis brevior, nonnullis brevissima: qui eâ benè utuntur, illis longa est & delectabilis, licet multis plena malis & non paucis obnoxia morbis: brevis illis qui suo vivunt genio, non enim optima vivendi lex sua unicuique consuetudo, neque propter consuetum vivendi modum aliis longæviores sumus: brevior non paucis, qui neglectis medicinæ legibus ac præceptis vivere gloriantur; incauta infalubrisque victus ratio vitam breviorē facit, & qui mediè vivit non semper brevi tempore vivit, licet vitam ducat difficilem & morosam: multis ali-quantulum brevissima vel hæreditario jure, vel propter viscera malè morata quibus ut vita in longum proregetur, incassum laborat medicus: naturæ vitia vix emendari possunt. Apagè ergò qui sua venditant secreta ad vitæ longitudinem, qui nulla methodo nullaque ratione ductus, nec experientia munus fide, morbos suscipit curandos, negotiari animas nostras, non morbis mederi dicendus est. Qui senio confectum hominem, rugosâ præ siccitate, facie squallentem, præ frigida pituitâ canitie confectum, artuum torpore vacillantem (hæc omnia languescens naturæ infelicia decrementa) feliciter & extrâ naturæ modum cum juventutē commutare posse contendunt, delirant. Senes juventutē novâ florere ac renovari impossibile est. Myrobalanos Indos sed præcipuè Cebulos saccharo condi-tos, & ad retinendam ac remorandam senectutem plurimum valere credat Empiricus, non Dogmaticus Medicus.

VITAM hominis brevem esse ignorat nemo, quam talem reddunt non tantum contrariorum oppositio, & continuus excrementorum proventus, sed præterea vitæ fugacis celeritatem adaugent, il-lamque breviorē faciunt labores improbi, vigiliæ juges, curæ graves, effrænes sensuum cupiditatumque motus ac voluptates, ne dicam lethifera blandimenta quibus toti involuimur, & alia in-opinatò occurrentia, à quibus omnibus corporis humani robur enervari, humidum primigenium vitæ fundamentum jacturam non levem pati, senium accelerari, apud omnes in confesso est, sed præterim gravibus parcendum curis, si vitam exoptas longam, quæ humanum corpus vehementer extenuant exsiccantque & perpetuis vigiliis conficiunt, somnum præpediendo vires destrunt, febres cujus-que generis accendunt, gravissimis affectibus originem præbent, melancholiam supra modum generant, calorem innatum resolvunt peneque extinguunt, maxime si longo perseverent tempore; Adeò ut verum sit, curas tolle graves si diù vivere tibi sit animus.

NON tantum curæ graves & animi anxietates vitam breviorē reddunt, sed præterea tristitiæ ac merores continui, vitæ longitudinem præpediunt, & quò vehementiores sunt eò plus periculū in se continent, tuncque curatu difficilia succrescunt mala: ab his enim non tantum corpus nostrum extenuatur sed etiam macie paulatim contabescit, cor immodicè constringitur, & veluti gravi premitur onere, spirituum perit vigor, ingenium hebes fit, ratio impeditur. Liberum non est iudicium, memoria labascit, omnes penè functiones tum animales tum naturales languent ac in vitio sunt, sanguineque supra modum adusto, præ ingenti hepatis calore, humores aciores redditī, febres omnis generis accendunt, tuncque totum corpus nostrum à naturali evertitur statu, ut sic vitam ducentes continuis mororibus plenam non vivere, sed continuo mori dicendi sint. Qui ergò vitæ longitudini studet, cane pejus & angue fugiat ea quæ non aspectu, aut auditu modò, sed & mentis agitatione tristitia existuat. Animus gaudens ætatem reddit floridam, & spiritus tristis exsiccat ossa: unde à tristitiâ festinat mors.

VITA, si eâ uti scias, licet longa non sit, non omnino brevis est; Non enim tam angustus nos vitæ spatii natura conclusit, non tam arctis constrinxit cancellis, ut non sat amplum dederit homini & vivendi & benè collocandi tempus: nec tam citò suos deperdi foetus paritur. Brevem vitam non accepimus sed fecimus: nec inopes ejus, sed prodigi sumus: præcipitat quisque vitam suam & senium accelerat, qui præsentium tædio cruciatus, futuri desiderio laborat; qui convivium amicitie phyltrum fugit; qui meri potum præsertim annosi Lyæi, non omnino senibus infalubrem, damnat, cum senibus vinum bibendum sit ut juvenescant; qui aquam supra vinum extollit, cujus frequens potus non vitam reddit longiorē, imò breviorē; qui vitæ blanditias improbens inanibus & nihil juvantibus animi contentionibus optimum vitæ suæ tempus consumit, ab animi pathematis sanitas deterior; qui Veneri supra modum sacra facit, quæ immaturam senectutem accelerat, natiq; ut plurimum non consulit, sed nascituris; qui frigus aeremque nocturnum sanitati maxime noxium non fugit, qui spiritus odoribus præsertim vini recreare nescit, qui ludos ac mores quosdam, quoad decet, antea ætate adolescentiæ in memoriam non revocat, difficillimum enim est corpore juvenescere nisi prius ingenio repaerascamus; Quid hæc omnia spernit ridendo, licet tutissima sint ad retardan-dam senectutem consilia, ne dicam præcepta, non juvenescit sed citò senescit: ideo debent ab his in usum revocari quos senectutis propemodum adventantis formido sollicitat atque angit.

NIHIL ergò ad vitam diutius & salubrius ducendam magis conducit quàm magnâ cum jucunditate, & securitate tempus deglutire: labitur occultè fallitque volubilis ætas, tacitisque senescimus annis; Ut juventutem nemo percipit discedere sed discessisse, ita senectutem non sentimus advenire sed advenisse; cujus tristes experiri imò ferè querimonias inviolatè lege à nobis exigit natura. Senes igitur senectutem graviter tolerantes querant letari, gaudeant animi tranquillitate, cum amicis & familiaribus jucundè & frequenter conversari studeant, præsertim cum juvenibus & benè valenti-bus, ex quorum familiari consortio aliquid salubre contrahendo longævi, ut plurimum evadunt: nec quiescant, nec nimium moveantur, licet consuetis laboribus sint exercendi: cibus suavis ac boni succi nutrantur, ad vires languentes reparandas spiritusque recreandos aliquantulum dissipatos: Vinum bonum ac generosum pro potu habeant, quod illorum moribus austeris medicina est: iram fu-giant vitæ longitudini contrariam, ne incident in affectus quosdam funestos & calamitosos, licet in quibusdam morbis irasci utile sit, sed præcipuè mentem habeant hilarem quæ vitam beatam & lon-gam facit. Quantis capiatui illecebris qui hilarem ac jucundam duxit vitam ferè neminem latet, læticia enim, præter quàm quod dolores corporis mitigat ac tristioribus animi pathematis medetur, na-tivum excitat calorem, spiritus recreat purioresque reddit, naturalem corroborat virtutem, in senibus maxime: floridam facit ætatem, juvenile corpus diù conservat, vitam prorogat, ingenium acuit, & hominem quibuslibet obeundis negotiis reddit aptiorem. Ideò qui vult diù vivere, vivat lætus; nam sollicitudo præsentium rapit nobis præsens præcipitque futurum; Fata sinunt dum securi vivimus.

Ergo ad retardandam Senectutem Hilaritas.

Proponebat Parisiis PETRUS MARAIS, Parisinus, Baccalaureus Medicus. A. R. S. H. 1688.

